



چنگیاں عاداتاں

انسان کی اُسنیاں عاداتاں توں سیانیا جانا ہے۔ جوں جوں انسان فی عمر گزر جانی ہے اُسنیاں عاداتاں پکیاں ہونیاں جانیاں ہین۔ مگر نکلی عمر بچ جیہڑیاں عاداتاں پے جاون اوہ ساریاں زندگی نال رہنیاں ہین۔ چنگیاں عاداتاں نافائدہ ہونا جد کہ پھڑیاں عاداتاں نافقصان۔ باہدے کہناٹے نا اثر اپنے اُپر ہی نیہہ بلکہ دُویاں پروی پینا ہے۔

اگر پوری جماعت بچ دولڑ کے دیری نال آون تہ دُویاں لڑکیاں اُپر اس نا اثر پے سکنا ہے۔ اوہ وی غیر حاضر ہسن۔ ایسی حالت بچ استاد کی بڑی تکلیف

ہونی ہے۔ پڑھان نامن ہی نیہہ کرنا۔ جس ویلے ہور لڑ کے دیری نال آئے۔ استاد کی اپنا سبق دوہرا نا پینا ہے۔ بچے تہ استاد دواں نا وقت برباد ہونا ہے۔ اگر دیری نی وجہ کچھو تہ بے تگے بہانے بنان لگنے ہین۔ اصل بچ انہاں کی سویرے اٹھن نی عادت نیہہ ہونی۔ ایہہ دیر نال اٹھن نی عادت نی وجہ نال سکول ناکم کر سکے نہ ہی سکول وقت پر پچ سکے ہین۔ استاد نے سوالاں نا جواب نیہہ دے سکے۔ اس طراں انہاں بچیاں بچ چھوٹھ بولن نی عادت پے جانی ہے۔ جیہڑا ہک بڑا گناہ ہے۔

دیری نال جاگن نی وجہ ہک ایہہ وی بنی ہے کہ بچے اپنی صفائی نا خیال وی نیہہ رکھ سکے۔ تساں تکیا ہوسی بچے رستے دوڑنے قمیض نا بٹن بنھنے جلنے بوٹ نے تسمے جانی سکول بنھنیں۔ اصل گل تہ ایہہ ہے کہ پہلاں اٹھنے لیٹ فر خواخواہ نی تاول۔ لباس کپڑے گتھوں طریقے نال لان ہوون۔ دیری نال جاگن نی وجہ نال ماء کی وی تگ کرنے استاد اگے وی چھوٹھ بولنے۔ اگر ایہہ سویرے بہلے جاگن نی عادت پیدا کرن ماء وی خوش استاد وی خوش نالے روز روز چھوٹھ بولنے نی عادت تھیں وی بچ جا سن گے۔

وقت اُپر کم کرنا چنگی عادت ہے۔ جے سیانیاں فی سیانی گل ”اج نام پہلکے اُپر
 نہ چھوڑو“ جیہڑے بچے رات دیر تک کھیڈنیں تہ دل بچ خیال کرنیں جے سکول نام
 کل کرساں۔ انہاں نام پورا نیہ ہونا۔ کم اگر کرن وی اسطراں جلدی تہ بے دلی نال
 کرنے کہ بچیاں کی سمجھا چھنا نہ اُستاد کی پڑھن ہونا۔ تاو ل نا نقصان ہی نقصان ہے۔
 جیہڑے بچے وقت پر کم کرنے سویلے جلدی اُٹھنے چھو ٹھ نیہ بولنے۔ اپنی
 صفائی ناتہیان رکھنے اپنا کپڑا بوٹ صاف رکھنے۔ ماء پیو، پہن پہرا ہور استاد نا
 ادب کرنے، اوہی بچے زندگی بچا گے جائی کامیاب رہنے رہنیں۔

1۔ اوہکھے لفظاں نامطلب:

چنگی	: اچھی
سیانی	: سنجیدہ
تاو ل	: جلدی
خواہ مخواہ	: ایویں کیویں۔ بغیر کسے وجہ
جوں جوں	: جیاں جیاں
باہدے کہناٹے	: فائدے نقصان

2۔ مندرجہ ذیل سوالات نے جواب دیو:

- (۱) آدمی کس طراں سیانیا جانا ہے؟
- (۲) دیرنال جاگن نے نقصان دہسو۔
- (۳) ”اج نام کل اُپر نہ چھوڑو“ نا کے مطلب ہے؟
- (۴) چھوٹھ بولنا کیاں پھیڑی عادت ہے؟
- (۵) پنج چنگیاں عاداتاں دہسو۔

3۔ خالی جگہاں کی پھرو:

- (۱) دیری نال جاگنا..... عادت ہے۔
- (۲) سچ بولنا..... عادت ہے۔
- (۳) اج نام..... پر نہ چھوڑو۔
- (۴) اُستادنا..... کرو۔
- (۵) اپنی جماعت نے پچیاں نال..... طریقے نال پیش آؤ۔